

# 日本漢文學百家集

王焱 編

111



北京燕山出版社



王焱 主編

日本漢文學百家集  
111



北京燕山出版社

第一一册

澹泊齋文集 八卷 安積覺 著 寬政四年……………一

白石詩草 一卷 新井白石 著 正德二年……………四九七

澹泊齋文集



澹泊齋文集一

奉賀

上公閣下致仕移居西山啓

辛未

元精鍾美，間氣挺豪。環形勝於封疆，磐石維固。觀大節於出處，軒裳甚輕。古旣罕逢，今豈易覩。恭惟上公，閣下學究天人，行篤孝弟，制節謹度，好古禮賢，地居懿親，堂堂宗社，倚賴重在端揆。巍巍廊廟，範模恩惠薰陶，闔境之民，仁義漸摩，一州之士，師至德於泰伯，布清風於伯夷，搜索逸書，插架有三萬軸，締構華藻，落筆成數千言，備武兼文，播令聞于四海，正名定

分馳芳聲于三韓。慨夫文獻之無徵。慮此記載之有闕。乃創體制于紀傳。殊勤校讐于批評。至若素履恬靜。雅尚清高。忘貴求閒。先期告老。就藩東海。厭衆流之爭歸。卜築西山。喜爽氣之有致。帶高增下。固地勢於自然。延庚挹辛。資剛氣於方位。旣堂構之有託。况茅土之傳封。黃門優朝請之班。非復山中宰相。綠野遂歸休之志。疑是平地神仙。岫幌雲寒。虛白生室。石磴路滑。空翠濕衣。謝峻雕於宇墻。爰居爰處。窮曠與於杖屨。呂邀呂遊。落落獨對長松。悠悠靜觀流水。寄傲同趣。樂淵明之琴書。勇退遵規。符景仁之齒爵。

若夫琪花瑤草送香氣于暗窻紅木紫芝耀靈秀于  
巖戶鬱林陰森列步障疊嶂杳靄隔塵寰孤猿叫而  
幽鳥鳴天籟寂々新月生而夕陽落山靄蒼々宛然  
世外乾坤恍乎壺中天地三盃時親紅友一枕正樂  
黑甜寬閒之野寂寞之濱撫千古而無盡雨雪之朝  
風月之夕閱四時而有餘法華作隣幾類子厚之始  
得高標絕世豈假景廬之雄夸覺漫忘驢技於云為  
竊致雀賀於左右揄揚未盡僭越難逃伏願槐夏適  
北憲之涼菊籬汲南陽之水四美兼備期丘壑呂風  
流萬壽無疆與山林而悠久

祭文恭朱先生墓文

維元祿五年歲次壬申九月丁未朔越二十七日癸酉門生安積覺謹呂清酌庶羞之奠致祭於故大恩師文恭朱先生之墓曰先生生於浙江紹興之餘姚而葬於常陸大田之瑞龍東西隔絕風土殊異若必求其故則雖有智者莫能窺測而徐觀其迹則事理所然天命在此夫先生之不仕豈潔身亂倫之謂哉大厦將傾獨力何支非不欲仕時固不可仕也蓋當天啓之朝已兆明室之禍逮崇禎之馭寓竟失孝陵之基業內則學士大夫分門別戶舌戰廟堂

而邪正之分不立。外則夷虜盜賊攻城奪邑。席卷州郡。而身禦之方無聞。玩歲愒日。厝火積薪。而馴致申申之奇禍。釀成古今之大變。當此之時。先生其能仕乎。不仕乎。仕而欲行其道。則必無辭徵之理。不幸處變。則食祿死難。固得其所。當與殉難諸臣。媿美史冊。豈待四十年後蓋棺之日。而方為全節之偉人哉。何彼馬士英阮大鍼之徒。呂薇人之雄。居鼎鼐之任。蔽銅主聰。排斥忠良。先生之直道。不能一旦相容。亦甚明矣。苟知道之不可行。而俛焉就職。則尸祿曾奉位之流。而先生豈屑為之哉。當時已有偃蹇不幸

朝命之彈疏而高舉遠引不暇與之辨晰 先生之  
心良亦苦矣及至大江失守南都隨陷則舉十三省  
之地沒於一建酋之手雖有永曆監國各圖恢復於  
一方道路梗塞不能轉達是呂流離困苦漂泊海外  
能存冠裳之故不滌腥羶之俗處身既善而志則有  
在大義著於安南之供役方畧存于陽九之述畧至  
於知友授命大事既去則欲決意稅駕永為抱甕之  
徒而際我 西山公敦尚儒術待呂賓師饋醕之禮  
既崇而啟發之功備至學則溥博淵泉行則嚴毅方  
正才則黼黻經綸文則布帛菽粟罕見其儔孰能與

之然非西山公之好賢則不能發先生之蘊相  
遇千里之外竟成天下之奇全衣冠於終始彰節義  
於古今水到渠成莫非天也蓋先生恒慮胡虜之  
蹂躪先塋翦伐喬木泣下霑襟髮上衝冠今先生  
之北域倚爽塏而臨岑蔚帶丘壠而翳林木先生  
之神旣安矣魂氣無不之也然則先生之父母祖  
父母神而有靈豈有不安之理哉先生瞑目九泉  
之下垂名千載之後莫之為而為之盡人事而循天  
理如斯而已夫復何言覺方童蒙深荷教授之恩未  
盡弟子之職遽違就養之方今呂裒輯遺文未侍

西山親拜孤墳爰設薄奠償志願於今日感提誨于  
舊時立冬之辰寒威嚴凝想見風采灑泣悵快二簋  
之誠或能歆格嗚呼尚饗

明故徵君文恭先生碑陰

乙亥

徵君姓朱氏諱之瑜字魯璣號舜水明浙江紹興府  
餘姚縣人曾祖詔誥贈榮祿大夫祖孔孟誥贈光祿  
大夫考正總督漕運門誥贈光祿大夫上柱國妣金  
氏前封安人誥贈一品夫人有三子焉 徵君其

季也生於萬曆二十八年穎悟夙成九歲喪父哀毀  
踰禮及長受業吏部左侍郎朱永祐精研六經特通

毛詩少抱經濟之志有識期呂公輔擢自南京松江  
府儒學學生舉恩貢生考官吳鍾巒貢劄稱為閑國  
來第一天啓呂降政理廢弛國是日非故絕志於仕  
進而有高蹈之風崇禎未蒙徵辟不就弘光元年又  
徵即授重職其薦出於荊國公方國安而大學士馬  
士英當國徵君不欲累於茲黨故辭不受臺省交章  
劾其偃蹇不奉朝命 徵君星夜逃于舟山時清兵  
渡江天下靡然薙髮變服 徵君惡之乃浮于海直  
來我邦轉抵文趾復還舟山監國魯王駐蹕舟山文  
武諸臣交薦之豫料其敗上疏固辭凡蒙徵辟始自

崇禎前後十二皆力辭焉。監國九年魯王特敕徵之。徵君適在交趾奉敕獻款欲往赴之。會安南國王檄取流寓識字之人差官應召。徵君國王召見逼而使拜。徵君長揖不拜。君臣大怒將殺之。徵君毫無沮喪。辨打彌厲。久而感其義烈。互相敬重。旣而欲還舟山。謝恩陳情。聞其已陷。進退失據。於是熟察時勢已去。不可復振。決意稅駕。因往長崎。實我萬治之二年也。流落海外。幾十五年。數至我邦。漂泊交趾。暹羅之間。艱苦萬狀。往而復返。蓋志有為而事竟無成也。其在長崎貧不能支。門人安東守約折俸之半而

養之寬文五年我。水戶侯梅里公聞其學植德望  
厚禮而聘。徵君慨然赴焉。待以賓師禮。遇甚隆。每  
引見談論。依經守義。啟沃備至。教授學者。不絕  
雖老而疾。手不釋卷。天和二年四月十七日卒於江  
戶。駒籠之第。享年八十有三。葬於常陸久慈郡大田  
鄉瑞龍山下。梅里公謚曰文恭先生。彰其德也。親  
題其墓曰明徵君成其志也。其在鄉里。子男二人。大  
成。大咸。妻葉氏所出。女高。繼室陳氏所出。皆先歿。  
徵君嚴毅剛直。動必以禮。學務適用。博而能約。為文  
典雅莊重。筆翰如流。平居不妄言笑。惟以訥。永復。

為憾切齒流涕至老不衰明室衣冠始終如一魯王  
敕書奉持隨身未嘗示人歿後始出今猶見在凡古  
今禮儀大典皆能講究致其精詳至於宮室器用之  
制農圃播殖之業靡不通曉如其遺文則有集存焉

擬豐太閤討明智光秀檄

討賊春秋之大經報讎臣子之常分竭力赴難宜先  
人而奪謀決意行誅將枕才呂待且苟遂巡失事機  
其何貴乎旬宜之寄徒觀望凶時變則將焉用蕃屏  
之臣賊臣光秀劇養賤卒愴邪小人始仕滕孝僅見  
齒於士流終遇叅巖得備員於書史荷榮寵於安土